

百病自療叢書

吐血自療法

上海大眾書局印行

百病自療叢書緣起

坊間出版醫藥各書。非深奧難懂。卽漫無系統。皆不合自習之用。故本局有百病自療叢書之發行。以普及民衆醫藥常識。而能便於自療爲宗旨。每種一冊。論病一種。該病之種種變化與病象。及各種治療方法。皆明白曉暢。一目了然。普通醫書。每以一方統治一病。不知病有輕重。體有強弱。又有夾雜他症者。若以一方混治之。豈不大誤。本書卽矯正此弊。雖同一病症。因症狀之不同。故其治法多至數十種。所列各方。經幾次考慮。務使妥善穩捷。一無流弊。見是證。用是藥。可無顧慮。可收大效。名曰自療法。允副其實。定價又極低廉。使普通民衆。皆能購閱。書中如有未盡善美之處。如能摘出指示。尤爲歡迎。

大衆書局出版醫書一覽

性的衛生 定價大洋 四角七折	肺病指南 定價大洋 五角七折	肝胃 病 定價大洋 五角七折	痛症大全 定價大洋 五角七折	家庭醫藥 定價大洋 一元六折	醫藥顧問 定價大洋 元半七折	大衆醫藥 定價大洋 元半七折	臨症處方學 定價大洋 三角七折	湯頭歌訣 定價大洋 角半七折	診斷學 定價大洋 九角七折	藥性字典 定價大洋 二元七折
----------------------	----------------------	-------------------------	----------------------	----------------------	----------------------	----------------------	-----------------------	----------------------	---------------------	----------------------

癰疽 病 定價大洋 六角七折	咽喉 病 定價大洋 五角七折	皮膚 病 定價大洋 五角七折	五官 病 定價大洋 五角七折	婦女 病 定價大洋 六角七折	小兒 病 定價大洋 六角七折	溫病全書 定價大洋 五角七折	怪病奇治 定價大洋 七角七折	長生術 定價大洋 二角七折	癆病自療 定價大洋 二角七折	傷寒自療 定價大洋 二角七折
-------------------------	-------------------------	-------------------------	-------------------------	-------------------------	-------------------------	----------------------	----------------------	---------------------	----------------------	----------------------

月經病自療法 定價大洋 四角七折	五癆自療法 定價大洋 二角七折	淋濁自療法 定價大洋 二角七折	哮喘自療法 定價大洋 二角七折	血崩自療法 定價大洋 二角七折	失眠自療法 定價大洋 二角七折	白帶自療法 定價大洋 二角七折	肝氣自療法 定價大洋 二角七折	咳嗽自療法 定價大洋 二角七折	吐血自療法 定價大洋 二角七折	傳染病 定價大洋 六角七折	性病 定價大洋 五角七折
------------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------	-----------------------	---------------------	--------------------

吐血自療法目錄

吐血治法總論

(一) 引言.....	一
(二) 治吐血當分四個步驟.....	一
(三) 止血與降氣.....	二
(四) 三種大原因及其調治法.....	三
(五) 下三步診察功夫方可用藥.....	五
吐血自療各法	
(一) 心病吐血之自療法.....	七
(二) 肝病吐血之自療法.....	七
(三) 脾病吐血之自療法.....	七

- (四) 肺病吐血之自療法……………九
- (五) 腎病吐血之自療法……………〇
- (六) 胃病吐血之自療法……………〇
- (七) 任脉病吐血之自療法……………一
- (八) 衝脉病吐血之自療法……………二
- (九) 春日吐血之自療法……………二
- (十) 夏日吐血之自療法……………三
- (十一) 秋日吐血之自療法……………四
- (十二) 冬日吐血之自療法……………五
- (十三) 吐血點之自療法……………五
- (十四) 吐血絲之自療法……………六
- (十五) 吐血塊之自療法……………六

- (十六) 遺精吐血之自療法……………一七
- (十七) 倒經吐血之自療法……………一八
- (十八) 肺癰吐血之自療法……………一八
- (十九) 痰飲吐血之自療法……………一九
- (二十) 酒客吐血之自療法……………二〇
- (二十一) 房勞吐血之自療法……………二〇
- (二十二) 勞心吐血之自療法……………二一
- (二十三) 勞力吐血之自療法……………二二
- (二十四) 氣虛吐血之自療法……………二二
- (二十五) 煩鬱吐血之自療法……………二三
- (二十六) 暴怒吐血之自療法……………二四
- (二十七) 跌打吐血之自療法……………二四

前賢意見

吐血單方選要

- (一) 張仲景華元化之診斷法.....二一五
 - (二) 孫思邈分吐血為三種.....二一六
 - (三) 李梴論止血先宜理氣之原理.....二一七
 - (四) 趙獻可謂血症先分陰陽次辨三因.....二一七
 - (五) 繆仲淳之治吐血三大法.....二一八
 - (六) 張介賓之血證用藥十五法.....二一九
 - (七) 徐靈胎痛斥時醫治吐血之謬誤.....二二一
-
- (一) 吐血不止(四條).....二三三
 - (二) 猝然吐血(四條).....二三三
 - (三) 內熱吐血(三條).....二三三
 - (四) 肺損吐血(四條).....二三三
 - (五) 咳嗽吐血(三條).....二三三

吐血自療法

中醫朱振聲編著

吐血治法總論

(一)引言

吐血者急症也。而亦危症也。世之患吐血症者。或因臨時不及救治。或因愈後調理失宜。以致死於非命者。不知幾許人也。其實吐血無死症。其所以致死者。不死於病。而死於藥也。

(二)止血當分四個步驟

余治吐血症。不外四法。一曰止血。二曰消瘀。三曰甯血。四曰補虛。按法施治。未嘗或失。世之患吐血症者。其可注意及之。凡吐血一症。胃氣未有不上逆者。故欲止其血。必先平其胃氣。蓋氣不上逆。則血自止矣。此時血之原委。不暇究治。惟以止血爲第一要法。



血止之後。其離經而未吐出者。是爲瘀血。既與好血不相合。反與好血不相能。或壅而成熱。或變而爲癆。或結瘕。或刺痛。日久變證。未可預料。必亟爲消除。以免後來諸患。故以消瘀爲第二法。

止吐消瘀之後。又恐血再潮動。則須用藥安之。故以甯血爲第三法。邪之所湊。其正必虛。去血既多。陰無有不虛者矣。陰者陽之守。陰虛則陽無所附。久且陽隨而亡。故又以補虛爲收功之法。吐血治療之大要。不外於此。

(三)止血與降氣

止血之法。亦各有不同。未可一概而論也。蓋血之爲物。熱則行。冷則凝。見黑則止。遇寒亦止。故有用熱藥止血者。以行血爲止血。姜艾等是也。有用涼水止血者。或用急流水。或用井華水。取冷則凝之義。芩連諸藥。亦卽冷止之義。有用百草霜。京墨。十灰散等。以止血者。取見黑則止之義。又有用鹹以止血者。童便。馬通。揚塵水之類。此內經鹹走血之義也。顧止血之法。雖多。而

總莫先於降氣。蓋氣爲血之帥。氣降則血自止矣。考仲景瀉心湯一方。實爲止血之妙劑。中有大黃一味。功能止血而不留瘀。或云吐血爲虛證。大黃焉能可用。而不知吐血雖屬虛證。然係血虛。非氣虛也。且初吐之時。邪氣最盛。正雖虛而邪則實。試思人身之血。本自潛藏。今乃大反其常。有翻天覆地之象。非實邪與之戰鬪。血何從而吐出哉。故當斯之時。若不去其邪勢。必愈傷其正。虛者益虛。實者愈實矣。故惟有瀉火一法。除暴卽所以安良。去邪卽所以存正也。奈今人多不敢用。惜哉。至於吐血之輕者。葛可久十灰散。亦可得效。其妙亦在大黃之降氣卽以降血也。雖然。吐血之治療。豈僅如斯而已耶。曰否。上所云。不過治療之大綱。若分而論之。約有三因。卽外因內因不內外因是也。

(四)三種大原因及其治療法

(甲)外因吐血 外因者。火灼風溫之滄血。暑熱燥欬之傷血。邪在肺衛心

營。理肺衛。宜甘涼肅降。（如沙參、麥冬、貝母、花粉、玉竹、石斛之類）治心營。宜輕清滋養。（如生地、元參、丹參、連翹、竹葉、茯神之類）以此二法爲宗。隨症加減。火灼則加入苦寒。（如山梔、黃芩、知母、地骨皮之類）風溫則參以甘涼。（如蔗汁、蘆根、羚羊角、桑葉之類）暑熱入營則兼清潤。（如杏仁、銀花、鮮地、黃犀角之類）燥欬在氣則佐純甘。（如天冬、梨、棗、阿膠之類）其他更有內熱外寒而吐血者。宜麻黃參芍湯主之。此治外因吐血之大略也。

（乙）內因吐血。內因者。怒動肝火。宜苦辛降氣。（如蘇子、鬱金、丹皮、山梔、括婁、橘白之類）鬱損肝陽。宜六鬱湯。鬱損肝陰。宜甘酸熄風。（如阿膠、雞蛋黃、白芍、生地之類）思傷心脾。宜甘溫益營。（如保元湯、歸脾湯之類）房勞傷腎。其陰虛失納者。宜壯水鎮陽。（青鉛六味飲、加五味、牛膝、童便）陽虛不攝者。宜導火歸窟。（肉桂七味丸、加童便）奪精亡血者。急固其元。大填精血。（如人參、海參、熟地、河車、膠、杞子、五味之類）此治內因吐血。

之大略也。

(丙)不內外因吐血。不內外因者。墜跌。血瘀上泛。先須導下。(復元活血湯代抵當湯。或用韭白汁散之)再用通補。(元戎四物湯。或當歸鬱金牛膝白芍三七之類)若努力傷血。調補忌用凝滯。宜和營通絡理虛。(當歸建中湯。旋覆花湯。或六味飲。加牛膝杜仲)若烟酒傷肺。(烟辛泄肺。酒熱戕胃。皆能助火動血)噎血。(紫菀茸湯。去朮加芍)飲多傷胃失血。(六君湯。加葛花)此治不內外因吐血之大略也。

(五)下三步診察工夫方可用藥

治吐血症。其最要者。須分別其內因。外因。不內外因三種。然後方可施治。譬如有一病者。患吐血症。延汝診治。則汝先當視其證之緩急。如屬暴吐急症。其血盈盈。盈碗而出。則當不顧其他。以止血爲第一步手續。待其血止。再商治法。否則氣隨血脫。危險之至。(急救法。重者用瀉心湯。或犀角地黃湯。輕

者用十灰丸。淡鹽湯吞下。外治法。用醋煑熱。以二足浸醋中。若非暴吐急症。則當辨其內因。外因。不內外因三種。如已知其爲內因之吐血矣。當再施行第二步之診察。卽是否爲肝火吐血。抑思傷心脾之吐血。抑房勞傷腎之吐血。如已知其爲房勞傷腎之吐血矣。是則第二步之診察已過。而可進行最後之診察矣。最後之診察。維何曰。辨其是否爲腎陰虛而致失納之吐血。抑爲腎陽虛而致不攝之吐血。旣辨明矣。然後方可用藥。如此治療。必能藥到病除。可無疑義。奈今之醫生。或因診務之忙碌。或因學識經驗之不足。或死守家傳之成法。而欲其病之見效。不亦難乎。要之治病。猶如開鎖。鑰匙如有絲毫不對。卽失去其効力。而病家不知。以爲此方與彼方。相差祇一二味。何以一效一不效。噫。何不思之甚耶。

口吐血自療各法

(一)心病吐血之自療法

原因

本症原因約有三端。一由思慮過度。心神受傷。神不攝血。血遂外溢。

一由房勞過度。腎水枯涸。水不濟心。血遂上亢。一由陰虛久嗽。聲濁。

無痰。振動太劇。牽動心血。

症狀

所吐之血。其色鮮明。赤如硃砂。吐出即凝。摸之不黏。入水即沈。

治療

宜養血補心。

處方

高麗參二錢(冲)

大熟地四錢

西黃耆四錢

炒白朮二錢

炒白芍錢半

阿膠珠三錢

雲茯苓三錢

遠志肉二錢

龍眼肉三錢

北五味十粒

川黃連四分

(二)肝病吐血之自療法

原因

心生血。肝藏血。肝不條達。不能藏血。則血出於外。而為吐血。

吐血自療法

吐血自療法

症狀 胸脇牽痛。或躁擾不甯。血來必成口。

治療 宜平肝解鬱。

處方 細生地一兩(打汁沖) 小川連四分

北柴胡五分 黑山梔二錢

薄荷紅一錢 茜草根二錢

赤茯苓三錢

炒白芍二錢
粉丹皮二錢
牛膝炭二錢

(三)脾病吐血之自療法

原因 思慮傷脾。不能統血。

症狀 氣短氣怯。形氣憔悴。或胸懷鬱然。飲食無味。或雖覺餓而不欲食。

治療 宜歸脾湯加減。

處方 炙潞黨三錢 炙黃芪三錢

抱茯神三錢 白歸身二錢

淮山藥三錢
大白芍二錢

炙遠志一錢

酸棗仁三錢

清炙草五分

福橘絡一錢

紅棗五枚

(四)肺病吐血之自療法

原因

結核菌乘機侵入肺部。漸次腐蝕。肺部起自然之抵抗作用。發為咳嗽。以驅除之久咳不已。肺絡受損。

症狀

初起。每不自知。偶覺精神疲倦。中宵或早晨發輕咳。咳久不已。體羸食減。潮熱盜汗。痰中帶血。

治療

寧肺育陰

北沙參三錢

煨蛤壳四錢

處方

大生地四錢

生石決六錢

粉丹皮錢半

天麥冬各三錢

甜杏仁三錢

抱茯神三錢

功勞葉錢半

瓊玉膏三錢(沖服)

九

吐血自療法

(五)腎病吐血之自療法

原因

水虧不能涵木。木火升騰。陽絡損傷。

症狀

咯血內熱。舌質紅。脉孔數。

治療

宜壯水柔肝。

處方

太生地四錢

天麥冬(各)二錢

左牡蠣四錢

粉丹皮二錢

石決明八錢

紫丹參二錢

淮牛膝二錢

生白芍二錢

側柏炭錢半

茜草根二錢

鮮竹茹二錢

(六)胃病吐血之自療法

原因

血熱妄行。胃絡破損。

症狀

血出於胃。多有嘔噦之聲。其血凝為碎塊。作赭色。血中兼有混雜食

物碎末。

治療 宜止血清熱。

處方 細生地八錢

黑山梔二錢

茜根炭二錢

福橘絡八分

淡黃芩二錢

黑芥穗二錢

蒲黃炭二錢

湖丹皮錢半

赤茯苓三錢

廣玉金錢半

(七)任脈病吐血之自療法

原因 腎水衰微。陰火上亢。腎系繫於任脉。相距最近。引動腎脉之血。隨火

而上行。

症狀 面赤咽乾。六脉細數。咯出小塊血或血點。

治療 宜引火歸元。

處方 大生地四錢

淮山藥四錢

大熟地四錢

川斷肉三錢

山萸肉三錢

粉丹皮二錢

吐血自療法

吐血自療法

一二

淮牛膝三錢

生牡蠣五錢

雲茯苓三錢

上安桂(飯丸吞)三分

(八)衝脈病吐血之自療法

原因 肝氣橫逆。盪動衝血。其胃府之熱太過者。中焦熱則氣升。肝挾腎氣。氣向上冲。上溢於胃。而為吐血。以衝脉上麗陽明。故必假道於胃也。衝脉為靜脉。所吐之血。不甚鮮明。且衝為血海。故其所吐之血甚多。

症狀 宜平肝瀉心。

治方

生川軍一錢

川黃連五分

淡黃芩二錢

炙蘇子二錢

沈香片五分

陳廣皮一錢

川棟子錢半

阿膠珠三錢

黛蛤散(包)三錢

絲瓜絡三錢

淡竹茹錢半

(九)春日吐血之自療法

原因 春季陰盡陽生。木火當令。肝家素有鬱熱者。得春陽升發之氣。炎炎

上騰。血隨之外溢。

症狀 胸脘不爽。脉象弦數。

治療 宜平肝泄木。

處方 炙蘇子二錢 紫丹參錢半 桃仁泥三錢

黑山梔三錢 粉丹皮二錢 廣玉金錢半

延胡索錢半 南查炭二錢 牛膝炭二錢

澤蘭葉一錢 赤茯苓三錢

(十)夏日吐血之自療法

原因 血熱過甚。又為暑氣所逼。血流加劇。絡脉損傷。或素有血症。為暑熱

所乘。因而復發。

症狀 脉虛氣怯。體倦息微。

吐血自療法

吐血自療法

治療

宜人參白虎法加減。

處方

炙潞黨五錢

西黃芪三錢

焦白朮二錢

生石膏八錢

粉丹皮二錢

黑山梔二錢

扁豆衣二錢

生蛤壳四錢

生苡仁四錢

白茅根二札(去心)

鮮藕汁一兩(冲)

(附註)

如脉數而吐血不盛者。去黨參黃芪。加生地四錢。

(十一) 秋日吐血之自療法

原因

秋日燥氣太過。虛陽上亢。肺金受燥。咳血不止。

症狀

欬而吐血。口乾納減。脉細澹。

治療

宜保肺清金。調元益氣。

處方

西洋參二錢

北沙參三錢

大麥冬三錢

五味子五分

白扁豆三錢

製半夏一錢

抱茯神三錢

陳廣皮一錢

炙甘草二分

枇杷葉露野薔薇露各一杯(沖服)

(十二)冬日吐血之自療法

原因

冬日閉藏萬物蟄息吐血之症不易發生其猝然而起者乃傷於房事所謂冬不藏精者是也。

症狀

形神萎疲腰脊痠疼夜寐多汗脉細數。

治療

宜培腎滋水。

處方

大生地四錢

淮山藥三錢

炒白芍二錢

粉丹皮二錢

生牡蠣四錢

生龍骨三錢

川斷肉三錢

天花粉三錢

浮小麥四錢

(十三)吐血點之自療法

原因

血出於心而灑陳百體心熱則血沸溢出於外如釜中滾水騰沸四

吐血自療法

吐血自療法

一六

飛成爲滴點。

症狀 心熱口渴。脉細數。舌本鮮紅。

治療 宜清熱甯心。

處方 鮮生地六錢

抱茯神三錢

白扁豆三錢

粉丹皮二錢

大麥冬三錢

鮮竹茹二錢

清炙草三分

鮮藕汁一兩(冲)

(十四)吐血絲之自療法

原因 肺絡受損。咳出血絲。

症狀 咳嗽痰中帶有血絲。肢體勞倦。神形羸瘦。或發潮熱盜汗。

治療 宜甯肺育陰。

處方 見肺病條

(十五)吐血塊之自療法

原因 血溢於胃。以胃腑寬大。不能卽出。故血液凝結。及胃不能容。始上逆而吐。

症狀 血色略赭。或作紫黑色。

治療 吐血塊。所損之絡。必已凝固。無用治療。若胸脇滿悶。則瘀血未淨。宜行血破瘀。

處方

生川軍一錢

桃仁泥三錢

原紅花一錢

廣玉金錢半

陳廣皮一錢

牛膝炭二錢

蒲黃炭錢半

赤茯苓三錢

(十六)遺精吐血之自療法

原因 胃陰虧損。下元不固。水虧則火旺。血隨之上溢。

症狀 頻頻遺洩。咳嗽吐血。兼見盜汗。脉細數。

治療 宜壯水之主。以制陽光。

吐血自療法

吐血自療法

一八

處方

生熟地(各)四錢

淮山藥三錢

淨黃肉二錢

大麥冬三錢

北五味十粒

粉丹皮二錢

生白芍二錢

旱蓮艸二錢

清炙艸三分

白茯苓三錢

(十七)倒經吐血之自療法

原因

臨經之際。血熱妄行。

症狀

月經臨期不至。口中吐血。或鼻中同時出血。

治療

宜清熱利氣。

處方

大生地四錢

小川芎八分

懷牛膝三錢

製香附一錢

生艾葉一錢

側柏葉一錢

廣玉金錢半

桃仁泥二錢

乾荷葉三錢

陳廣皮一錢

(十八)肺癰吐血之自療法

原因 溼熱鬱於肺部日久肺葉腐爛咳吐膿血。

症狀 痰中帶血吐膿腥臭胸膈隱痛。

治療 宜導溼清熱。

處方 冬瓜子四錢

生薏仁四錢

川貝母二錢

桑白皮錢半

瓜蒌霜三錢

海浮石三錢

炒竹茹二錢

青蘆管一兩

(十九)痰飲吐血之自療法

原因 痰飲咳嗽化火動血。

症狀 痰嗽不已脉絃形瘦安靜則欬甚勞動則氣升。

治療 宜補腎之陰以納氣化胃之痰以蠲飲。

吐血自療法

光杏仁三錢

款冬花一錢

絲瓜絡(帶子)三錢

吐血自療法

二〇

處方

大生地四錢(海浮石拌炒) 青鹽半夏二錢 五味子(炒)五分
 麥冬(元米炒)三錢 懷山藥(炒)三錢 生蛤壳四錢
 枇杷葉(蜜炙)五張 訶子肉八分 紫石英五錢
 牛膝(鹽水炒)三錢 丹皮炭錢半 茯苓三錢
 青 鉛四錢

(二十)酒客吐血之自療法

原因 酒能熱腸飲酒過盛胃中血熱太過絡脉受損。

症狀 飲食減少咳喘多痰脉滑。

治療 宜涼血清胃。

處方

鮮生地八錢 川黃柏三錢 粉丹皮錢半
 大麥冬三錢 天花粉三錢 川石斛三錢
 生苡仁四錢 葛 花二錢 枳椇子三錢

福橘絡一錢 橄欖二枚

(二十一)房勞吐血之自療法

原因 房勞過度。則陰傷而陽亢。相火妄動。逼血外溢。

症狀 攝納無權。氣易上衝。吐血盈口。或痰中帶血。脉帶細數。

治療 宜育陰滋水。

大生地四錢 南北沙參各三錢 龜甲心(炙先煎)八錢

代赭石四錢 煨牡蠣四錢 蛤粉炒阿膠二錢

丹皮炭二錢 廣玉金錢半 炙紫苑二錢

藕汁一杯(冲)

(二十二)勞心吐血之自療法

原因 萬事感其心。百憂勞其神。有動乎中。心火上亢。血遂上溢。

症狀 精神勞倦。脉來微弱。

吐血自療法

吐血自療法

二二

治療處方

宜補氣益血。高麗參一錢(冲)

大熟地五錢

全當歸(炒)二錢

炙龜版五錢

熟附塊五分

炮姜炭五分

炒白朮二錢

五味子一錢

炙甘草一錢

(二十三) 勞力吐血之自療法

原因

勞力過甚。血絡損傷。上溢而吐。

症狀

脇肋牽痛。艱於轉側。吐血成口。

治療處方

宜去瘀生新

全當歸二錢

紫丹參二錢

淮牛膝二錢

劉寄奴錢半

仙鶴草三錢

川玉金錢半

茜草根二錢

白芨花二錢(包)

炒竹茹錢半

參三七三分(研末另吞)

(二十四) 氣虛吐血之自療法

原因 氣為血帥。氣虛則不能攝血。血不歸經。暴吐不止。
症狀 狂吐不已。神志恍惚。氣短肢冷。脉象微細。似有似無。

治療 宜益氣納氣。大劑頻進。

處方

吉林參三錢(另煎沖)

左牡蠣五錢

花龍骨五錢

蛤粉炒阿膠三錢

炙蘇子二錢

白歸身二錢

淮牛膝二錢

養正丹三十粒(分三次吞服)

墨旱蓮錢半

水童便各半煎服

(二十五) 煩鬱吐血之自療法

原因 操煩勞心。鬱怒傷肝。氣鬱化火。火熾氣焰。擾動陽絡。故血上溢。
症狀 脇肋作痛。煩躁少寐。內熱口乾。脉弦芤而數。

治療 宜清氣涼肝。

吐血自療法

吐血自療法

二四

處方

羚羊角四分(磨冲)

生白芍三錢

茜草根二錢

川貝母三錢

粉丹皮二錢

側柏炭錢半

黛蛤散四錢(包)

黑山梔二錢

鮮竹茹錢半

白茱根二札(去心)

鮮藕汁二兩(冲服)

(二十六)暴怒吐血之自療法

原因

怒氣傷肝。妄動肝火。載血上行。蓋火動則氣盛。盛氣上奔。血逆而出。

症狀

血來甚驟。量多而色鮮。胸脇苦悶。或隱隱作痛。

治療

宜降火行氣。

處方

鮮生地一兩

小川連五分

淡黃芩二錢

粉丹皮二錢

炒枳壳二錢

陳廣皮一錢

白夕利三錢

川牛膝三錢

黑山梔二錢

炒白芍錢半

甚者加羚羊片四分

(二十七) 跌打吐血之自療法

原因

跌打損傷。惡血滲入胃中。以致吐血。

症狀

局部作痛。或膚色現青紫色。吐出之血。黑暗成塊。或大便作黑色。

治療

宜行血祛瘀。

處方

酒炒當歸三錢

福澤瀉四錢

小川芎一錢

桃仁泥三錢

原紅花一錢

地鱉虫三錢(去翅足)

粉丹皮二錢

淮牛膝三錢

飛乳沒各八分

乾荷葉三錢

口前賢意見

(一) 張仲景華元化之診斷法

病人面無血色。無寒熱。煩咳者必吐血。

吐血自療法

吐血咳逆上氣。其脉數而有熱。不得臥者死。酒客咳者。必致吐血。此因極飲過度所致也。寸口脉弦而大。弦則爲減。大則爲芤。減則爲寒。芤則爲虛。虛寒相搏。此名曰革。婦人則半產漏下。男子則亡血失精。肺中熱則唾血。其脉細緊浮數。芤皆主失血。肝脈浮緩。主脾太急。內癰吐血。

(以上張仲景)

吐血其脉浮大牢數者死。

病癆人脫肛。骨肉相失。聲散。嘔血。陽事不禁。夢寐交侵。呼吸不相從。晝涼夜熱者死。吐膿血者亦死。(以上華元化)

(二)孫思邈分吐血爲三種

吐血有三種。有內衄。有肺疽。有傷胃。內衄者。出血如鼻衄。但不從鼻孔出。是近從心肺間津液出。還流入胃中。或如豆羹汁。或如切餛。血凝停胃中。因卸

滿悶便吐。或去數斗至一石者是也。得之於勞傷飲食過常所爲也。肺疽者。或飲酒之後。毒滿悶吐之時。血從吐後出。或一合半升一升是也。傷胃者。因飲食大飽之後。胃中冷則不能消化。便煩悶。強嘔吐。使所食之物。與氣共上衝。因傷裂胃口。吐血。色鮮正赤。(千金方)

(三)李梴論止血先宜理氣之原理

血隨氣行。氣行則行。氣止則止。氣溫則滑。氣寒則凝。故涼血必先清氣。知血出某經。即用某經清氣之藥。氣涼則血自歸。若有瘀血凝滯。又當先去瘀。而後調氣。則其血立止。或元氣本虛。又因生冷勞役。損胃失血者。却宜溫補。斂而降之。切忌清涼。反致停瘀胸膈不散。(醫學入門)

(四)趙獻可謂血症先分陰陽次辨三因

凡血症先分陰陽。有陰虛。有陽虛。陽虛補陽。陰虛補陰。此直治之法。人所共知。又有真陰真陽。陽根於陰。陰根於陽。真陽虛者。從陰引陽。真陰虛者。從陽

引陰。復有假陰假陽。似是而非。多以誤人。此真假二氣。曠世之所不講。舉世之所未聞。在雜病不可不知。在血症爲尤甚也。汝知之乎。

既分陰陽。又須分三因。

風寒暑濕燥火。外因也。（過食生冷。好啖炙燻。醉飽無度。外之因也）

喜怒憂思恐。內因也。（勞心好色。內之因也）

跌撲閃肭。傷重瘀蓄者。不內外因也。

既分三因。而必以吾身之陰陽爲主。或陰虛而挾內外因也。或陽虛而挾內外因也。蓋陰陽虛者。在我之正氣虛也。三因者。在外之邪氣有餘也。邪之所湊。其氣必虛。不治其虛。安問其餘。（絳雪全書）

（五）繆仲淳之治吐血三大法

吐血有三要法。宜行血不宜止血。行血則血循經絡。不止自止。止之則血凝。發熱惡食。病日痼矣。宜補肝不宜伐肝。肝主藏血。養肝則肝氣平。而血有所

歸伐之則肝虛而不能藏血。血愈不止矣。宜降氣不宜降火。氣有餘卽是火。氣降卽火降。血隨氣行。無溢出上竅之患矣。降火必用寒涼傷胃。胃傷則脾不能統血。血愈不能歸經矣。專以白芍藥炙草制肝。枇杷葉麥冬薄荷橘紅貝母清肺。苡仁山藥養脾。韭菜番降香蘇子下氣。青蒿鱉甲銀柴胡丹皮地骨皮補陰清熱。棗仁茯神養心。黃肉杞子補腎。予累試之輒驗。但陰無驟補之法。非多服不效。(醫學廣筆記)

(六)張介賓之血證用藥十五法

夫治血之藥。凡爲君爲臣。或宜專用。或宜相兼。病有淺深。方有輕重。其間參合之妙。固由乎人。而性用之殊。當知其類。故茲條列於左。

血虛之治有主者。宜熱地。當歸。枸杞。鹿膠。炙甘草之屬。

血虛之治有佐者。宜山藥。山茱萸。杜仲。棗仁。兔絲子。五味子之屬。

血有虛而爲熱者。宜涼補之。以生地。麥冬。芍藥。沙參。牛膝。鷄子清。阿膠之屬。

血有因於氣虛者。宜補其氣。以人參。黃芪。白朮之屬。

血有因於氣實者。宜行之降之。以青皮。陳皮。枳殼。烏藥。沉香。木香。香附。瓜蒌。

杏仁。前胡。白芥子。海石之屬。

血有虛而滯者。宜補之活之。以當歸。牛膝。川芎。熟地。醇酒之屬。

血有寒滯不化。及火不歸原者。宜溫之。以肉桂。附子。乾薑。薑汁之屬。

血有亂動不甯者。宜清之和之。以茜根。山查。丹皮。丹參。童便。貝母。竹瀝。竹茹。

百合。茅根。側柏。藕汁。荷葉。柿蒂。霜。桑寄生。韭汁。蘿蔔汁。飛羅麪。黑墨之屬。

血有大熱者。宜寒之瀉之。以黃連。黃芩。黃柏。知母。玄參。天花粉。梔子。石膏。龍。

膽草。苦參。桑白皮。香薷。犀角。青黛。童便。槐花之屬。

血有畜而結者。宜破之逐之。以桃仁。紅花。蘇木。玄胡。三稜。蓬朮。五靈脂。大黃。

芒硝之屬。

血有陷者。宜舉之。以升麻。柴胡。川芎。白芷之屬。

血有燥者宜潤之。以乳酪。酥油。蜂蜜。天門冬。柏子仁。菴蓉。當歸。百合。胡桃肉之屬。

血有滑者宜澁之。止之。以棕灰。髮灰。白芨。人中白。蒲黃。松花。百草霜。百藥煎。訶子。五味子。烏梅。地榆。文蛤。川續斷。椿白皮之屬。

血有澁者宜利之。以牛膝。車前。茯苓。澤瀉。木通。瞿麥。益母草。滑石之屬。

血有病於風濕者。宜散之。燥之。以防風。荆芥。葛根。秦艽。蒼朮。白朮。半夏之屬。

(七) 徐靈胎痛斥時醫治吐血之謬誤

吐血證本皆可愈。而多不治者。藥誤之也。蓋血證因傷風欬嗽而起者。十之七八。因虛勞而起者。十之一二。乃醫者概以熟地人參麥冬五味等滋補酸斂之藥。將風火痰瘀。俱收拾肺管。令其欬嗽不止。元氣震動。津液化痰。不死何待。凡外邪補住。必成癆病。無人不知。今竟無一人知之矣。蓋吐血而嗽者。

當清肺降氣。略進補陰之品。其不嗽者。乃喉中之絡破。故血從絡出。并不必服藥。其甚者。祇取補絡之藥。以填損處。自可除根。即不服藥。亦能自愈。

□吐血單方選要

(一)吐血不止

貝母泡研。溫漿水服二錢。

括囊泥固煨存性。研三錢。糯米飲服。日二服。

紅綿三寸。燒灰水服。

嫩荷葉七個。搗汁服之。

(二)猝然吐血

烏鱗骨末。糯米飲服二錢。

石灰於刀頭上燒研。井水下二錢。

榭葉爲末。每服二錢。水一盞。煎七分。和渣服。
藕節荷蒂各七個。以蜜少許搗爛。用水二鍾。煎八分。去滓溫服。

(三) 內熱吐血

青黛二錢。新汲水下。

黃柏蜜塗炙乾。爲末。麥門冬湯調服二錢。

刺薊葉及根。搗絞汁。每頓服二小盞。

(四) 肺損吐血

九節菖蒲末。白麪等分。每服三錢。新汲水下。

白膠香。蛤粉等分爲末。白湯調下。

煉鍾乳粉。每服二錢。糯米湯下。

白芨研末。每服二錢。

(五) 咳嗽吐血

吐血自療法

生地黃汁煮粥常食。

桑白皮一斤。米泔浸三宿。刮淨上黃皮剉細。入糯米四兩。焙乾。一處搗爲末。每服一二錢米飲調下。

款冬花。百合（蒸焙）等分爲末。蜜丸。龍眼大。每臥時嚼一丸。姜湯下。

編餘雜談

治病最忌執一。血症亦然。喜用涼藥者。固然有留瘀之弊。而喜用溫藥者。未嘗無狂吐之險。早用滋補者。固然有歛邪之害。而一味表邪者。未嘗無虛虛之戒。總之。見是症。用是藥。所謂補偏救弊。全在醫者用藥之得當與否耳。

吳克潛醫生編

藥性字典

諸君如對於本書中藥方有疑慮之處
請購本局最近出版之

因本字典中對於每一藥味

均有下列各種詳細解釋：

〔性味〕說明該藥之性質味道。及有毒無毒。

〔產地〕說明該藥屬於何類。及以產地別其優劣。

〔主治〕說明該藥主治何症何病。並引歷代諸大家對該

藥用法之見解作證。

〔用量〕說明該藥之輕重用法。

〔禁忌〕說明該藥之不宜於某病某時。或不宜與某藥同

進。並誤用該藥之補救法。

備此藥性字典一部。以後遇見無論何種

藥方中有疑慮之點。即可翻閱查對，穩

固妥當。萬無一失。

全書六冊 每冊一元二角五分 每冊一元二角七分

上海大眾書局發行

各省各埠各大書局均有代售

癆病自療

(折七) 角二 價定册一

此書係蕭屏閣採擇東西最精最確之學說而成，其優點有四：(一)文字淺顯，人人能懂。(二)提要鉤玄，專門肺病學者之各種議論，均包括於此小冊子之中。(三)所用方藥，簡之又簡，最穩妥，最靈驗。(四)靜坐法，都市口淋注射法，門外睡眠法，俱爲書中極新之發明，有志衛生者，不可不讀。有志公益者，不可不讀。有志醫學者，尤不可不讀。

上海大衆書局發行

各省各埠各大書局均有代售

張偉
汝編

咽 喉 病

（折七） 角五洋大價定 册一

咽喉之病。雖在局部。然其危險特甚。且病因複雜。有關於天時者。有因乎七情者。有外感而腫者。有內傷而感者。遠因在心脾腎。近在肝肺胃。即牙舌腮頰之症。亦關咽喉。本書用科學方法編制。文字淺顯。語句簡潔。治法用藥。一本國醫古法溶酌著者二十年之咽喉經驗。而稍為變通之。自屬方無不效。病無不除。編者張君。治喉素稱擅長。行醫二十餘年。莫不着手回春。本書之編末。即附其醫案。以供參考。

上海大眾書局發行

售代均有局書大各埠各省各

書叢療治病萬醫國

茹十

眉編

病兒小

(折七) 角六價定册一

本書編者茹十眉先生，乃海上名醫，臨診多年，經驗宏富，對於兒科，尤為擅長，茲為普及民衆醫藥常識及便利病者起見，特編此書。本書編法，分作三期，第一期為初生期，第二期為哺乳期，第三期為小兒童期，凡初生期至童期中一切小兒疾病，無不應有盡有，包羅無遺。每一病症，先述其病之狀態，繼述其病之來源，三述其治療及用藥之方法，以便對症服藥。全書不尚高深，不論空理，皆以實用為歸宿，文字淺顯，撰句簡潔，無論醫與否，一看即能明療，家有子女者不可不備。

行發局書衆大海上

售代有均局書大各埠各省各

吳潛
編克

學斷診

(折七) 角九洋大價定 册一

醫海純精吳克潛先生難
 重症無不效內經難
 施治揮心著奇本平茲
 又發。特。得。奇。取。費
 經。一。載。輯。書。平。日
 時。法。悉。始。克。告。成
 大。則。以。宗。內。經。而。文
 義。節。之。以。淺。顯。出。之。而。且
 章。節。應。用。方。晰。有。融。合
 索。古。而。醫。者。得。此。初。學
 以。研。習。而。益。精。序。而。漸
 得。之。可。以。循。中。與。之
 進。之。習。而。益。精。序。而。漸
 著。述。吾。國。醫。界。為。矯。矢
 矣。述。吾。國。醫。界。為。矯。矢

學方處症臨

(折七) 角三價定 册一 編章煥沈

訣歌頭湯

(折七) 半角二價定 册一 編龍詠汪

行發局書衆大海上

售代有均局書大各埠各省各

茹十
眉編

婦女病

（折七）角六價定册一

本書共分「處女」「婚嫁」「妊娠」「臨產」「產後」「五期」。凡婦女一生應有各症。無不列入。每病先述其病狀。次考其病因。再施以治療。各方皆經編者實驗。無不奏效如神。編輯方法。確合實用。文字淺顯。撰句簡潔。無論何人。一看即能明瞭。編者茹十眉先生。乃海上名醫。視診多年。學識超羣。對於婦科。尤有心得。本書係集其畢生經驗所得而成。實屬名貴。

上海大眾書局發行

售代有均局書大各埠各省各

傷寒自療

一册定價二角五分(折七)

此書係蕭屏閣采輯東西各國學說而成，其目有六：(一)釋名，詮釋傷寒病得名之來由。(二)病原，研究傷寒病從何而起。(三)病狀，指示患傷寒病者之情狀。(四)療法，詳敘治傷寒病之穩妥西藥，及其看護法。(五)古義，將張長沙之傷寒論，剝膚存液，包括無遺。(六)古方，選錄傷寒論中所用之靈驗藥方。綜之參酌中西，言簡意賅，不作支離疑似之語，誠衛生家與醫學家所必備之書也。

上海大眾書局發行

各省各埠各大書局均有代售

中華民國二十三年八月再版

中華民國二十二年八月初版

百病自療叢書
吐血自療法
咳嗽自療法
哮喘自療法
遺精自療法
淋濁自療法
五癆自療法
月經病自療法
肝氣自療法
白帶自療法
失眠自療法
失血自療法

▲二十册每册定價銀四角
郵費在內

編著者 中醫朱振聲

印刷者 大眾書局

出版者 大眾書局

發行者 大眾書局



總發行所 上海四馬路 大眾書局

代售處 全國各大書局

FILE
259054

259054

